

Animals sin il bain puril

Il pitschen pur Gianin preschenta ils animals da niz e da cumpagnia

■ «Hello, jau sun il pitschen pur sin quest bain puril. Mes num è Gianin ed jau hai nov onns. Jau muss uss a tai mes bain puril...» A l'entschatta dal cudesch mussa ina charta dal bain puril sin tge via che Gianin maina ils lecturs.

L'empriem vegnan visitâts ils animals da niz che vivan en uigl (vatga, chaval, nusa, chaura, portg e giaglina). Alura cuntinuescha il viadi tar ils animals

da cumpagnia che vivan en u dasper la chasa (chauna, cu-nigl e giat). Ils purtrets dals animals èn ilustrads ritgamain e porschan infurmaziuns davart la famiglia, la cumparsa, la moda da viver e la muntada da l'animal per l'uman. A la fin dal cudesch sa chatta in'agiunta da var 20 paginas cun feglis da lavour, propostas da zambregiar ed in memori.

Ils texts e las illustraziuns han Sara Chistell e Lea Dietrich inoltrâ il 2010 sco lavour da matura a la Scola chantunala grischuna a Cuira. I fiss stâ donn che lur lavour sa tschentia en il chascht, tant pli ch'ellas l'hann concepì da l'entschatta ennà tenor criteris didactics ed en in lingua adattada per il stgalim bass. Uschia è cumparida lur lavour il 2011 en furma da cudesch. Châtâ.ch dat invista en quel cun preschentâr intgins dals purtrets d'animals.

La vatga

Infurmaziuns generalas: Grondezza 1,50 m; pais 500–800 kg; vegliadetgna maximâla 20 onns; Pavel: pastg, fain, sal.

Famiglia: La vatga ed il taur appartenânt a la famiglia dals bovs da chasa. La vatga ha sut il venter in iver cun tettels che dattan latg. Il pitschen da la vatga baiva l'empriem pliras giadas a di latg da la mamma. Pli tard maglia el er pastg. Enfin ch'el ha otg mais vegn il pitschen da la vatga numnâ vadè u vadella. Cun in onn vegn el numnâ sterl u sterla, cun dus onns mutg u mugia, cun traiss onns gianitscha u trima (la femella) e davent da 4 onns taur u bov e vatga.

Tgira: La vatga ha il latg en l'iver. Il pur sto mulscher la vatga duas giadas a di. Pli baud vegnivan las vatgas mulschidas a maun. Oz po il pur ni la pura mulscher las vatgas cun la maschina da mulscher.

Muntada per l'uman: Ina vatga porta fitg bler nutriment per l'uman. Cunzunt duvrain nus il latg e la charn. Latg sa ella pir dar cura ch'ella ha parturi ses emprim vadè. Silsuenter dattan nossas vatgas da latg 5000 enfin 8000 liters latg ad onn.

Differentas razzas da vatgas: Ina è la vatga brina. Quella sort vatgas è brina enfin grischa. Ella ha corns clers cun in piz stgr. La vatga brina dat fitg bler latg. Tar quella vatga sa tracti d'ina vatga

svizra.

In'ulteriura impurtanta razza è la vatga da Holstein. Quella vatga deriva da l'America dal Nord. Sia pel ha flatgs nairs ed alvs. Er quella vatga dat ina massa latg.

La terza razza è la vatga da Simmental, ina vatga svizra, che vegn er numnada vatga da tachels. Quella vatga ha in chau alv ed ha mintgatant tachels enturn l'egl u sin las vistas. Il rest da sia pel è mellen clera enfin cotschen brina cun tachels alvs. Quella vatga dat er fitg bler latg e furnescha buna charn.

La digestiun: La vatga ha 8 dents da morder da vart sut en bucca. Da vart surra ha la vatga mo ina platta da corn. Ella sa sdrappar davent pastg cun la lieunga. Ella tragutta fitg spert, senza morder. Tras la gula vegn la maglia en il buttatsch.

Il buttatsch furma l'empriem da quatter maguns. El è sco ina chombra da fermentar. En il buttatsch datti massa bacterias ed organissem d'ina cella che produceschan acid.

La vatga è in remagliader: cur ch'ella giascha, strangla ella puspè ensi la maglia en la bucca en furma da pitschnas ballas e mola quellas ad ina buglia ch'ella po digerir. Il magun da rait se tira ensemble fitg e po uschia far vegnir enavos la maglia en la bucca per remagliar. El tegna enavos la maglia che n'è berg fina avunda, e lascha mo ir la maglia pitschna en il tschientfegl.

La magliauna, il davos magun, è il magun per propri. Quest magun fa il medem sco il magun da l'uman. L'acid schlia il rest da la maglia.

Il chaval


Infurmaziuns generalas: Grondezza 1–1,60 m (cua 30–60 cm); pais 175–450 kg; vegliadetgna maximâla 40 onns (en libertad) resp. 50 onns (tar l'uman); Pavel: fain, carottas, maila, flocs d'avaina, dumiec, chaltschina, sal.

Famiglia: La chavalla è la mamma dal pulain. La gravidanza cuzza circa indesch mai. Cur ch'il pulain è ina mes'ura sin il mund, stat el già sin pe. Suenter dus mais perda il pulain il pail da pulain. Ils emprims sis mais baiva el mo latg, silsuenter maglia el er pastg.

Cumparsa: Il pail è fitg curt. Tar il culiez ha il chaval in pail pli lung, la coma. La cua consista da chavels da 30 enfin 60 cm. Cun quella stgatscha il chaval mustgas.

Il chaval è in animal ch'ha in pe en furma d'ina tschacca. Per proteger quella tschacca ston ins metter si in fier-chaval. Las chommas dal chaval èn adattadas per currer fitg svelt.

Ils egls dals chavals èn da la vart dal chau, uschia ch'il chaval vesu bunamain tut qui che schabegia enturn el senza muventar il chau. Ils chavals na vesu betg tut las colurs. Els na pon betg differenziar las colurs brin, verd e grischa.



Cuverta dal cudesch.

FOTO: MAD

Il chaval ha grondas rusnas-nas, cun las qualas el savura excellent.

Classificaziun: Nus differenziai ina chavals tenor lur diever en animals da sang fraid e sang chaud, chavals da razza e ponis. Ils animals da sang fraid dovrà il pur sin il prâ, perquai ch'els èn fitg ruassaivels. Ils animals da sang chaud èn chavals sin ils qualas ins po ir a chaval. Els èn fitg levs e movibels. Ils chavals da razza èn savens chavals da sport. Els èn fitg sperts, dentant er sensibels e gnervus. Il poni è in chaval pitschen. El è fitg robust ed ins po chavaltgar sin el.

Tgira: En la stalla dal chaval sto il pur metter sternim che furma in letg per il chaval. Il chaval na duess betg vegnir en contact cun il plaun. Il possessor sto guardar ch'is tiers-chaval sajan intacts ed er mintgatant chavaltgar cun il chaval. Il possessor sto er schubregiar ses animal.

Qua intgins urdains da schubregiar: Sgrattin per las tschaccas: quai èn utensil per sgrattar la merda or dals fier-chaval; il barschun grond dovrà ins per schubregiar il pail dal chaval; il barschun lom è in utensil che vegn fatg bletsch per petgnar ils chavels e la cua; per schubregiar il nas dal chaval dovrà ins la spungia; cun la taila fan ins tralischier il pail.

La nusa

Infurmaziuns generalas: Grondezza 65–80 cm; pais 25–55 kg; vegliadetgna maximâla 10–12 onns; Pavel: pastg, fain, carottas, feuglia, graun.

Famiglia: Il mastgel numn'ins buc u botsch, la femella nusa e lur uffants èn, fin a la vegliadetgna d'in onn, ils

tschuts. La nusa parturescha il tschut suenter ca. 150 dis. Il bler nascha in tschut per letg, darar daplirs.

Tgira: Il nurser guarda da la muntanera. Savens ha el anc in chaun che vegn enavos cun nursas ch'en idas a perder.

Il possessor sto tunder la nusa. Quai vegn fatg avant ch'i vegnia stad e l'atun. Pli baud faschevan ins quai cun ina forscht, oz cun ina maschina.

Muntada per l'uman: La nusa vegn tratta pervi da la charn, la launa ed il latg. Il latg vegn duvrà per far chaschiel.

La launa: Tar insaunts animals creocha il pail en furma da la launa. Il possessor sto tunder, quai vul dir tagliar la launa a la nusa u er a tschertas sorts da chauras, cunigls, lamas u chamelles.

La nusa vegn tundida ina enfin duas gjadas ad onn. A l'entschatta vegn tundi il dies, alura las varts, il chau ed il culiez e, sco davos, il venter. Tunder nursas dovrà dentant rutina ed er pazienza.

I dat differentas sorts da la launa: la launa da merino è fina e fitg tschurrada e deriva da la nusa da merino; la launa da crossbred n'è betg uschè fina ed er betg uschè tschurrada; la launa da cheviot è groppa, tragliosa ed ella è mo levamain tschurrada.

La launa vegn lavada, petgnada, colorada u sblatgida e savens filada. Ils fils che resultan da questa procedura pon alura vegnir tessids a taila per far chaschiel u vegnir nuads a tarpuns.

La chaura

Infurmaziuns generalas: Grondezza 65–105 cm; pais 20–80 kg; vegliadetgna maximâla 15 onns; Pavel: pastg, rom, feuglia, brumbels, sal.

Famiglia: La femella è la chaura, il mastgel il buc-chaura e l'uffant l'ansiel. L'ansiel nascha savens la primavaira. In pèr chauras survegnan er dus u traiss ansiels en ina. Ils ansiels baivan l'emprim latg da la mamma, pli tard maglian els er pastg e chaglias sco las autres chauras.

Tgira: La chaura dovrà mo pauc tgira. Ella dovrà bler plaz da sa mover. Il pur sto far ina saiv per che las chauras na possian betg fugir. Durant il temp che las chauras èn en questa saiv, pon elllas currer e raiver enturn libramain.

Tegnida e muntada per l'uman: La chaura po s'adattar a bunamain mintga clima. Ses latg dovrà ins per far chaschiel. Chauras raivan savens enturn sulettas sin ils grips, cur ch'ellas tschertgan lur pavel. Perquai duess il pastur liar la chaura u far ina saiv, per ch'el na stoppia betg ir la saira lunsch a tschertgar ensemens ses animals. Il possessor tegna chauras pervi dal latg, la charn, il tgirom, il chaschiel e mintgatant er pervi da la launa.

Il portg

Infurmaziuns generalas: Grondezza 90–130 cm; pais: 180–200 kg (la portga), 200–250 kg (il ver); vegliadetgna maximâla 12 onns; Pavel: tartuffels, maila, carottas, vanzadiras, charn cortga.

Famiglia: La mamma è la portga, il bab il ver e l'uffant il purschè. Ina portga porta ils purschels durant traiss mais, traiss emnas e traiss dis. Ella survegn blers purschels en ina. Mintga purschè baiva adina dal medem tettel da la portga. Ils purschels creschan fitg spert. Suenter sis mais pon els già pasar 100 kg e vegnir mazzads.

Tgira: Il portg n'ha betg gugent il fraid, perquai duess la stalla avair ina tscherta temperatura. Il portg n'è betg gugent sulet ed ha fitg gugent sch'i dat ina chauma per ruassar ed in bigl per stgavar en stalla.

Cumparsa e moda da viver: Il portg ha ina cua stortigliada. Sia bucca vegn er numnada grugn u gnif. El ha in fitg bun nas. Perquai po el gidar l'uman a tschertgar triflas. Il portg n'ha betg gugent la chalira ed il solegl. El na po betg suar e perquai sa volva el savens en lozza sch'i n'ha negin'aua en il contourn. El è dentant tuttina in animal fitg schuber.

Muntada per l'uman: L'uman dovrà surtut la charn dal portg. Cun ils chavels dals portgs, las zaidlas, pon ins producir barschuns e penels.

La giaglina

Infurmaziuns generalas: Grondezza 40 cm; pais 1,5–5 kg (la giaglina), 2–6 kg (il cot); vegliadetgna maximâla 5–7 onns; Pavel: graunins, verms, insects, glimajas.

Famiglia: La mamma è la giaglina (fam. er pula), il bab è il cot ed ils uffants èn ils pulschains.

Cumparsa: Sin il chau ha il cot ina cresta cotschna. Er la giaglina ha ina cresta, dentant ina pli pitschna. Il pichel è fitg dir. Cun quel po la giaglina chavar e tschertgar maglia. Sut il pichel è la barba ch'èr cotschna.

La cua dal cot ha la furma d'ina farcla. Las plimas dal cot e da la giaglina han differentas colurs. Il cot mida min-tga atun las plimas. Las giaglinas na pon betg singular bain, perquai che lur alas èn memia pitschnas per lur corp.

Tgira: Giaglinas dovràn in uigl ed in curtain cun saiv. Omadus lieus duessan esser protegids d'inimis e disponer d'avunda pavel.

Moda da viver: Bleras giaglinas pon viver ensemens senza disturbâr ina l'autra. Quai è dentant auter tar ils cots. Ils pures possedan il bler mo in cot e pliras giaglinas. Il cot ha in sparun vi dal pe. Quel dovrà el per sa defender e cun quel po el schizunt mazzar in auter cot.

Cur ch'il cot fa «chicherichichi» vul el marcar ses revier. Il cratschlar da las giaglinas è per infurmâr, caramalar, smântschar u admonir.

Ovs: La giaglina metta 250 enfin 300 ovs ad onn. Quai fa ella dentant mo sch'ins prenda davent ad ella ils ovs.

Sch'ils ovs restan en ils gnieus, cua el-la or quels. Sche questi ovs èn fructifit-gads, nascha il pulschain suenter 21 dis. Ils pulschains viven ils emprims dis da lura vita mo en il gnieu. Là dattan la giaglina ed il cot da magliar e chaud ad els.

Cur ch'els bandunan lur gnieu, van els suenter a lur geniturs. Els communiteschuan cun lur geniturs cun suns speziali.

La preschentaziun:

Sara Chistell e Lea Dietrich: Animals sin il bain puril. Cuira 2011.

Dapli infurmaziuns:

châtâ.ch/?id=1338&chiid=1743
www.châtâ.ch

Famiglia

Tut tenor razza portan ils cunigl tsching enfin dudesch emnas. Cura ch'ina cunigl è pertanta stgrappa ella ora ses agen pail per far in gnieu. Suenter il temp da partanza parturescha illa cunigl. Per letg

il cunigl dovrà in chaser, dentant era in spazi ora en il liber, ma betg directamente en il solegl. Las griffas ston ins taglar, sche quellas èn memia lungas.

Informaziuns generalas

Ils amis dal cunigl èn auters cunigl u mintgatant era portgets da mar.

Il cunigl n'ha dentant insimmme betg gugent giats e chauas. I po schizunt capitar, ch'il cunigl surgen in tal choc ch'el mora.

Il cunigl n'è betg gugent sulet, uschia ch'il cunigl dovrà almanin la cumpagnia d'in auter cunigl. El dovrà era bler movement e sto pudair ruier, chavar e sa zuppar.

Tgira

Il cunigl dovrà in chaser, dentant era in spazi ora en il liber, ma betg directamente en il solegl. Las griffas ston ins taglar, sche quellas èn memia lungas.

Informaziuns generalas

Ils amis dal cunigl èn auters cunigl u mintgatant era portgets da mar.

Il cunigl n'ha dentant insimmme betg gugent giats e chauas. I po schizunt capitar, ch'il cunigl surgen in tal choc ch'el mora.

Il cunigl n'è betg gugent sulet,